

掃葉樓集

程家題

後三日重游清溪山房晚居廿六

陳匪公老伯携我等品茗相

拂東經時陰晴各事吳有秋意一草一木

一覽捷江山世望國事屋非懷然有秋

操業捷集一部仲以德迎而告款當矣

意耳歸正春日秋陽無力寺內鐘聲遠

得可

白歸記

己巳上元

瑞葉樓集

陳治書



掃葉樓集

題詞

百字令

新安石凌漢破素

薑靈同硯編掃葉樓集搜訂叢殘洵柴丈人之知己也特譜此解錄請正拍

丈人去也歎草香堂圯崇樓孤峙占得石頭山一角畫意詩情難死半畝傳名一僧留跡空向梧桐指蕭蕭黃葉夕陽紅裏成綺斷句遺什飄零潘郎掇拾感舊漁洋比幾度冷颼摧敗樹持帚誰傳高致筆墨疏閒印文顛倒一卷存形似楓丹林黑月宵幽魂來未

菩薩蠻 用太白韻題掃葉樓集

湖南黃 乾變井

吉光片羽俱羅織文心璀璨輝金碧半畝有遺樓古今同寄愁 清秋涼徑立落木聲偏急掃葉認前程翠微何處亭

自題掃葉樓集用王植三韻

潘宗鼎

蕭蕭木葉西風裏五百年間只此樓聊爲滄桑留逝影我來掃蕩古今愁

重刊掃葉樓集序

曩歲丙寅首夏清和過季弟薑靈鳳臺山館共談佛學坐久劉君鑑三亦至以古林寺僧輔仁聘修寺志請薑靈辭以疾余曰吾寧自甘質樸先達修靈谷寺志無繼起者弟其好自爲之議遂決薑靈首撰修志徵文啓遍告十方尋日本僧界來寧考察佛學開會於毘盧寺余參末座見夫輔仁以徵文啓並雨花石供獻日本僧衆欣欣然懷之而歸余喜告薑靈曰言之不文行而不遠弟之文爲日僧所得白樂天詩爲雞林人所購亦猶是耳弟其勉旃越二載寺志告成識者稱其儒釋一貫信有夙慧其典雅則若古林寺志序例其源流則若重修古心律祖塔院碑記其考證則若古心律祖修舉報恩寺塔頂圖考雖未及付梓而見於鳳臺山館駢散文集者可復按也薑靈性耽著述更取修志資材關於掃葉樓者編次成集主僧寄龕復以掃葉樓秋讌詩附於集後初刊千部索購者夥所存寥寥寄龕慮無以饜閱者之望請於薑靈重新編竟較初刊尤爲美備友人金子柳篠來函推論薑靈所作謂同光以來必傳之文必傳之人夫豈阿所私哉謂予不信請觀掃葉樓秋讌之作和者六十餘首迄今遠道來遊步韻投稿冀結翰墨因緣者絡繹於途以視王漁陽秋柳倡和之盛古今人詎不相及也耶行見登斯樓者手置一編謳詠而歸半千先生有靈亦當引爲知己也辛未仲春寒食節江寧潘鈞和卿甫序



自序

余以丙寅丁卯之交修志古林嘗往來於石城諸山流連名勝憑弔興亡彈指滄桑條更陳迹獨斯樓自光復後泰縣韓公紫石番禺鄭公韶覺捐貲修葺得無恙登眺之暇客有以修掃葉樓志請者余曰否否是有辨斯樓建於清涼山下之一小阜以山形論不啻清涼之附庸也樓屬龔半千先生之半畝園名從主人又未可喧賓奪主也則志之體例綦難半千躬丁鼎革韜晦自甘不求聞達泊乎清季斯樓漸爲世人屬耳目其題詠散見於諸家詩文集者寥寥可數則志之資材亦尠客曰唯唯雖然保存國粹與夫保存古跡均屬後人之責也盍就吾子篋衍所藏從事抄胥以遺主僧寄龕付梓流傳庶幾登斯樓者知有所考亦斯樓之不朽也余乃循客之請錄未竟仍慨遺珠楊君復明往就樓頭取易實甫王夢湘諸公題壁之作益之孫君太涓龔君隱菴石君弢素又復出其所藏以匡不逮編次既竣曰考證曰半千先生遺詩曰半畝園詩曰掃葉樓詩曰掃葉樓詞曰掃葉樓文曰掃葉樓楹聯而繫小傳於後他日續有所得依類增入非曰止於是爾己己春仲江寧潘宗鼎薑靈序

掃葉樓集卷一

江寧潘宗鼎蓋靈輯
掃葉樓主持奇龕刊

考證

龔賢字柴丈號野遺上元人工詩善畫經亂走四方晚歸里築半畝園於清涼山下自號半千明亡不仕
嘗自寫照作掃葉僧狀因名所居曰掃葉樓金陵通傳

龔賢字半千上元人能詩畫當明社之屋貌已像爲浮屠持帚作掃葉狀因自號掃葉僧且名所居之樓

其志可見矣益山志人物

掃葉樓在善司廟後即半畝園也舊志國初掃葉僧居之然僧乃龔半千托迹繪一僧持帚作掃葉狀耳

見盧雅雨說又卽頑山祠陳龍巖太守之遺愛云見王氏詩註按周志善司廟對三多里後爲隔塵橋東爲伽

藍庵又東熊氏朴園龔氏半畝園據此又析爲二東北茅氏寤園其百歲坊左半壑庵爲黃園陳氏二吉園卉香

園曹園二知園西墅園雲半肩園澹香園張園匠園先園王園任園丁園纔二十年已變滅如太空雲金陵

待徵錄

掃葉樓在清涼山迤西而南山阜上明遺老龔賢所居或云樓即龔氏園然待徵錄已析爲二今其址所在有僧庵之益山志

樓在善司廟後即明遺老龔半千賢之半畝園也半千嘗繪一僧持帚作掃葉狀因以名樓憑闌而望城闌烟樹暮歷萬家城外帆檣過石頭城下影掠窗前登眺之樂此爲最勝

石頭志

龔賢字半千號野遺崑山人布衣隱居清涼山側選中晚唐詩紀半畝園詩草善墨筆山水能開生面

車氏

子任明末四百

家遺民詩選

龔賢字半千別號柴丈江南上元布衣有香草堂集工畫愛做梅花道人筆意嘗自寫小照作掃落葉僧

狀因名所居爲掃葉樓顛倒用小印二千幀末而不署名

漁洋山人感舊集

西山掃葉樓龔半千賢之故居也近人忽傳爲梁昭明讀書之所題咏滿壁皆宗是說予乃檢金氏金陵待徵錄甘氏白下瑣言以正其誤并取龔銘三所得掃葉僧畫像命主僧祀以香火而綴以一聯云滿山

落葉無根樹勝國遺民有髮僧由是斯樓始復歸龔氏矣

可園詩話

龔賢字半千號野遺又號半畝亦作柴丈人上元人善畫山水用墨濃厚自成一家有香草堂集

昭代名人尺牘小傳

龔賢字半千號柴丈人家崑山流寓金陵爲人有古風工詩文有香草堂集若干卷善書畫家貧歿不能具棺殮會曲阜孔東塘客遊金陵爲經理其後事撫其孤子收其遺文半千畫筆得北苑法沈雄深厚同

時有聲者樊折高岑鄒詰典之子方魯吳宏葉欣胡造謝蓀號金陵八家

詞話

龔半千又名豈賢字野遺性孤癖與人落落難合其畫掃除蹊逕獨出幽異自謂前無古人後無來者信不誣也程青溪論畫於近人少所許可獨題半千畫云畫有繁減乃論筆墨非論境界也北宋人千邱萬壑無一筆不減元人枯枝瘦石無一筆不繁通此解者其半千乎半千早年厭白門雜遘移家廣陵已復厭之仍返而結廬於清涼山下葺半畝園栽花種竹悠然自得足不履市井惟與方蠡山湯岩夫諸遺老過從甚歡筆墨之暇賦詩自適詩又不肯苟作嘔心抉髓而後成惟恐一字落人蹊逕酷嗜中晚唐詩更羅百餘家中多人未見本曾刻廿家於廣陵惜乎無力全梓至今珍什笥中古人慧命所係半千真中晚之功臣也

周氏亮工
讀畫錄

掃葉樓在清涼寺前即半畝園遺址舊志國初掃葉僧居之然僧乃龔半千托迹繪一僧持帚作掃葉狀耳見盧雅雨說咸豐間毀光緒辛丑僧寄禪重建助資者爲郭月樓劉彝廷民國甲寅馬僊卿仇淦之重

修

金陵勝蹟志

善慶寺在清涼寺南外殿祀張睢陽有掃葉樓

金陵勝蹟志寺觀

清涼山廣慧禪寺寺右有掃葉樓相傳明末畫士龔賢隱於樓畔

莫愁湖志

掃
葉
集

掃葉樓集卷二

江寧潘宗鼎靈輯
掃葉樓主持寄龕刊

龔半千先生遺詩

按先生著有半畝園詩草選中晚唐詩紀久佚茲從金陵詩徵錄出半畝園詩二十二首從卓氏子任明未四百家遺民詩錄出十首惟與費密登清涼臺一首與金陵詩徵同從王漁洋感舊集錄出七首惟扁舟一首與卓氏詩選同凡得遺詩三十六首餘俟續徵編者謹識

半畝園詩

嗟嗟少年日識字苦不深自知非通才奚足承華簪一邱養吾志天空鳴素琴攝生調茗藥戶外多幽尋
希壽七十年而正黔婁私謂此薄分蒼公必鑒臨孰知彼蒼者大笑如不任笑我疲馬足敢具冥鴻心
英雄求神仙尙謂思荒淫責我太狂瞽罰我走嶽嶽寬食不毛地冰霜壞衣襟皮寬止裏骨餐焦喉亦啗
壯歲始有家兒童已森森避賊還避兵奔騰如驚禽因而賦歸來莫辨家山岑瓦屋四五間購之將百金
餘地纔半畝新竹乍成陰晨與復偃仰頗畏人事侵饑死不再出回首皆湯燖今年早已甚旅遊思甘霖
穀價不及騰豈憂虛釜罄俎荷答成功戮力補高吟寄謝交遊人與子別升沈知已越天末歲時遣好音

百苦

百苦不一樂中宵夢忽清有家長作客到老尙謀生牆月背人下野風空自鳴明朝渡江水前路未收兵

清涼寺

聞道清涼寺。前朝避暑宮。松深三殿綠。佛古一燈紅。石徑藏幽魅。荒苔吟細蟲。感懷興廢事。坐到日曠曠。

贈顧與治

此老稱詩史。何人采國風。眼開今古際。心定亂離中。板屋白門舊。青袍吾道窮。梅花自耕種。香雪畫濛濛。

燕子磯懷古

斷碣殘碑誰勒銘。六朝還見草青青。天高風急雁歸塞。江迥月明人倚亭。慨昔覆亡城已沒。到今荒僻路難經。春衣濕盡傷心淚。贏得漁歌一曲聽。

贈友

江南六代風流地。白下多年翰墨場。古物已無王逸少。名人獨剩顧長康。量寬嗜酒難逢醉。才大論詩莫禁狂。急辦青錢買山隱。坐聽深樹候鶯鶯。

將至白門江上晚泊

就泊心無事。平看麥隴青。遠天屯宿霧。寒水滴疏星。土俗那須問。鄉音喜漸聽。新詩吾索汝。半夜酒初醒。聞顚逸遊攝山憶之。

古殿松杉合空臺翠影中到來無白日坐久怯涼風既與幽深會宵悲身世窮攝生同采藥偷遇葛仙翁
與費密登清涼臺

與爾傾杯酒閒登山上臺臺高出城闕一望大江開日入牛羊下天空鴻雁來離宮在何處遍地是蒼苔

懷山陽子胡子閻子

悔作浪遊人還家多苦辛所交惟數子一別便終身叔夜嬾成癖原生病是貧風烟接淮甸相望即相親

宿山家

託宿山家秋月明主人攜酒榻前傾斜酒盡主人去一夜惟聞溪水聲

憶剩上人

草露夕微微空城受落暉歲華凋白髮寒色捲緇衣縱有天朝赦知從何處歸吞毘僧不可洗鉢對長饑

石頭城

石頭城外江流清石頭城裏人難行寒風遠圖幾家在白日荒雞一處鳴自昔已如遭散亂到今猶幸未
戈兵老妻故塚得見否岐路空催涕泗橫

贈獫叟

疏竹茅堂庇一身，鳥聲山色在幽隣。
賦詩到老無他想，屈指如君能幾人。
野飯可留新至客，村醪時款未歸春。
生前再到承平世，病骨支離終隱淪。

擬歸來

故業亂餘在逃亡，十載還江平。
黃葉樹日落白門，山食菜貧能壽燔。
書老更閒，何曾甚聲譽，家計不相關。
宿盧氏山莊

楊柳迷沙逕，莓苔上板橋。
雨催羣鳥散，烟剩一亭遙。
買酒指村姓，尋鮮問海潮。
主人真愛客，門外宿輕橈。
浦子口飲守將趙鼎鉉家

江橫浦子口，飛渡笑談間。
到岸轉無樹，入城渾是山。
故人爲府帥，高馬領秋閒。
醉倒菊花酒，月明珠未還。
夏夜寒

南方炎熱甚，清絕愛吾廬。
烟白岸無樹，月晴溪上魚。
幾年從傲慢，衆口罷吹嘘。
破衲匡牀在，支持酒力餘。
安豐吳高士

魯連蹈東海，千載慕其人。
此日吳高士，風流是後身。
窮荒難久處，浩蕩實相鄰。
晚坐衡門下，欣無戰伐塵。
病起示籙壁先生

人生海上波起空能幾時波滅還復起而我安得知古人惜寸陰此念兢兢爲安期度千歲何異稊中兒
于淵實早天于今宏聲施勗哉羅先生平居慎所思着屐踐苔草空堂雲四垂宵深炙明月高坐調冰絲
一息足優遊大運從終馳

乞竹詩

呂望嘗釣魚樊噲會屠狗英雄處田間時命多不偶所以柴桑翁但飲柴桑酒吾儕眞小人畏熱如焚首
新買山下宅荒園總半畝不敢種青松松前人易朽願移竹數竿急掩貧家醺今夜風雨聲忽然生戶牖
誰能割清陰郵書問鄰叟

贈齊高士

守此一叢蘭戶外無所營朝見白花吐暮見碧草生如此三千年無人與汝爭

一公得法東遊

師玄忽經年書來兩月前折梅辭蔣廟帶雪下吳船道大終難隱蓬飄未易旋相思但相念切莫寄詩篇
登岱

勒馬瞻東岱嵯峨勢獨尊半空懸日觀一竇仰天門氣接荆吳白雲歸齊魯昏久虛封禪事碑碣幸長存

扁舟

扁舟當曉發沙岸杳然空人語蠻烟外雞鳴海色中短衣曾去國白首尙飄蓬不諳荆軻傳差爲一劍雄

飲徐氏園

春來無此日午過尙如朝水底亭三面城陰柳半腰清歌連白舫長笛隔紅橋最是歡娛地年華覺易消

登眺傷心處

登眺傷心處臺城與石城雄關迷虎踞破寺入鷄鳴一夕金笳引無邊秋草生橐駝爾何物驅入漢家營

晚出燕子磯東下

江天忽無際一舸在中流遠岫已將沒夕陽猶未收自憐爲客慣轉覺到家愁別酒初醒處蒼烟下白鷗

赴招

山家煮酒對斜曛野客相期隔嶺雲僻路人踪猶未見遙村犬吠已先聞杏知全放達多處桃亦爭開有
二分護懶苦辭辭不得就君今喜坐論文

揚州曲

江上誰傳戰鼓來流亾士女闌如雷月明今晚天街靜十二城門到曉開

避賊還須先避兵，六街鷄犬夜無聲。
粧樓半掩美人盡，茉莉花開香滿城。

江上夜歸

身老愁爲客，迢迢返舊京。
扁舟無處宿，中夜趁潮行。
月落草堂寺，烏啼石首城。
酒醒殘夢斷，回顧不勝情。
久不得韓昌消息

平生好遊歷，此別日偏多。
嶽寺聽猿住，江鄉傍虎過。
衰羸吾自念，疾病爾如何。
短榻依然在，空房鎖薜蘿。

胡介再過邗上

相逢知不易，一拜淚潸然。
此地又春草，吾生俱暮年。
囊空出詩卷，廚冷動炊煙。
耆舊今誰在，尊前各自憐。

訪王賜子清涼寺

憐君傷寂寞，隨雨過青山。
古寺有誰到，幽扉正未關。
煙平漲林樾，風止辨潺湲。
虛閣聞鐘罷，高僧相對閒。

冬日棲霞寺中作

山中常宴起，偶被老僧催。
下去送溪叟，獨歸尋釣臺。
鳥飛林雪散，鹿飲澗冰開。
深省聞鐘罷，高天盡劫灰。

鶯聲

我愛鶯聲好，能諧隱者情。
水邊啼忽斷，飛上越王城。

龔半千先生詞

見康熙間傳發詞所註詞觀
紙此二首附刊詩後

蝶戀花

初夏贈友

辜負看花開醉眼久雨初晴新綠枝枝徧隄上垂楊搖綺線黃鸝飛過分明見
自展方床挑竹簾愁是多閒晝永人先倦流水小橋看素練年年弔古隋家苑

漁家傲

春歸

昨日落花今日掃落花掃徧人先老又是春來添懊惱如何好前村沽酒青錢小
披衣日上寒窗早夢中怕向邯鄲道又見青青窗外草兒童道謝家原上鶯來了

掃葉樓集 卷三

江寧潘宗鼎葦靈輯
掃葉樓主持寄龕刊

詩 按掃葉樓爲半千先生半畝園之遺址名從主人爰自有明以來關於酬唱題詠之詩以及半畝園詩悉皆闕入亦先河後海之義爾

廣陵夏夜同與治半千蒼略訪楚吟城北村舍次與治韻

明江寧紀映鍾伯紫

顧子乘舟江霧昏杜龔促膝坐前村白雲滿地鄰僧磬黃葉封溪處士門
傍舍只須山一片閉關常得酒盈樽最憐合併如斯少夜半傾泉煮北源

懷柴丈戒生

前人

百尺桐陰一寸苔墨香茶熟夢初回木然老衲閒相對車馬過門總不開

清涼山寺逢僧號掃葉者贈之以詩

明黃岡杜于皇茶村

掃葉幾時盡秋風秋雨多四山聲不斷一樹寂如何
定日閒同帚霜天靜養柯翻嫌文室裏花事惱維摩

寄龔野遺

明錢塘胡介彥遠

一葉落高木草堂秋自生故人已千里明月欲三更
憂患存終古飢寒見老成霜清憐永夜回首望蕪城

寄題龔大野遺新居

明泰州吳嘉紀野人

亂離足飄泊老大還郊垌江水真有意流轉一浮萍親戚復誰在虎嘯山風腥驚疑兒女色顧戀婦人情
翳翳寒煙墟蕭蕭茅草亭琴書既有託斂迹謝逢迎澄潭入郭流羣峯繞舍青悄然松際月聞爾商歌聲

題龔柴丈山房

明番禺屈大均翁山

松逕秋初到茅堂寒欲深虎風過亂草蟬露滴空林招隱成高詠安貧見道心殷勤南澗月夜夜照瑤琴

懷龔半千

明江寧劉芳蔭震蒼一字瞻咕

俗情何日脫清夢到君家十里竹閒月空山天半霞主人狂潑墨童子解煎茶莫歎秋光暮持觴對菊花

題龔半千畫冊

明嶺南釋大汕字广翁金陵僧

脫木蕭蕭無比鄰蒼蘿洞口自垂綸如何日暮忘歸去爲愛青山是故人

酌龔半千步韻予北上時半千出慰舟次

清大梁周亮工元亮一字樸園亦字減齋

我傍秦淮住君家亦石城難歸看客怨漸老論詩平小錄烟雲滿深厓雨雪并乾坤雙醉眼獨對故人明

過半畝園贈半千四律

周亮工

於世殊無事經年合閉門白衣鮮墨汁鳥几潤花痕亂竹三更雨空山半畝園畏人常屏跡感激虎狼恩

野老閒稱病柴門永日關殘苔生破屢修竹蔽衰顏得酒看人醉成詩肯自刪夢中頻過爾大月好風間
萬累已全息荒園足自怡棋邊今態好酒外古心危妙畫殊無意殘書若有思屑榆亦可飽努力莫言衰
彥遠今高士武林一畝田約君爲隱侶交我舊忘年僻地誠難覓同心亦可憐懷人眞隔世獨坐聽鳴泉
彥遠胡介與半千爲世
外交隱武林一畝田

半畝園爲家兄千賦

清上元龔

翰文思號蒼岳
又號廊園

吾兄能止足遂此幽居心開徑野雲入卷簾山月深雜花供令序獨鶴重高林逸興黃農接披襟恣遠尋

同余鴻客周雪客朱林修蔡芝泉鉉升過龔半千半畝園看花有感

清江寧卓爾堪
子任一
字鹿墟

綠樹鶯啼半畝園城中廬舍類荒村一欄花氣還薰客無處山光不到門酒力尙堪消白晝笛聲切莫傍
黃昏西州曾墮羊曇淚虎踞關前更斷魂

訪半畝園

蕭寧劉春霖韻琴

隱淪龔半畝灑落獨千秋風雨懷前哲江山貯一樓堞雲連幔捲湖色隔城收生羨高僧□□□□□

半畝園二首

潘宗鼎

鱸魚飲滿腹鶴鷄巢一枝龔生此卜築半畝足栖遲庚信小園賦杜陵茅屋詩平生善悲感聊以慰流離

掃葉樓集

一八

邱壑羅胸次園林信手題
礙眉憑戶曲妨帽任簷低
竹樹斜陽外清涼一角西
丹青遺跡在宗派石濤齊

掃葉樓集 卷四

江寧潘宗鼎董靈輯
掃葉樓主持寄龕刊

詩 清代掃葉樓詩見諸刻本鈔本者
而題壁各詩附焉

遙題掃葉樓

清 高 宗

隔岫誰家掃葉樓清標占斷石城秋分明鄭谷詩中景逸興過飛那上頭

寄題掃葉樓疊舊作韻

寄題憶昔詠高樓樓上春風颯似秋安得搢書萬卷坐刪繁存實較從頭

寄題掃葉樓再疊舊作韻

清涼寺裏望書樓掃帚遺風萬古秋不辨題名自誰氏詩中鄭陸村從頭

九日登掃葉樓

卓 爾 堪

登高須登最高處賦詩須賦驚人句人生對酒不盡歡勝地佳辰兩辜負清涼山上有高樓開士幽栖樓
上頭我來樓上訪開士吟遍金陵九日秋風光若此殊不惡江山無故生蕭索眼前時事安足論世上奇

人久不作君不見鳳凰臺時大江東二水三山指顧中狂客騎鯨不知處卓然詩句凌秋空

丁卯秋登掃葉樓同家介山沈凡民朱草衣徐竹溪崔筠谷方外卜年海月空山限五微

寶應王箴輿敬倚 康熙間進士孟亭集

掃葉樓仍在來時黃葉飛秋容如太古客意滿晴暉隱吏知成癖詩僧且合圍山風吹我去江月入林微

掃葉樓

上元俞灝來溪

有葉何曾掃白雲堆滿樓隔窗斜照入放眼大江流萬里見飛鷺四山多晚鳩不須花惱悞重結綺羅愁

掃葉樓

桐城姚鼐姬傳

碧雲垂下大江流坐倚江城古石頭丹嶂欲平猶作巘青楓未落已成秋三山夕照新林渚萬里西風掃葉樓虎踞地形猶在眼清涼深院發鳴虬

掃葉樓

鉛山蔣士銓心餘

落葉掃不盡幾年存此樓天空羣木老寺古一山秋壁疊移江渚功名指石頭輸他塵外客縛帚坐林陬

掃葉樓

上元馬榮祖筠亭

盤空磴道入雲幽苔繡山門翠欲流落葉聲中僧掃地夕陽影裏客登樓四圍樹色圍蕭寺一片江光繞

石頭到此塵心消欲盡疏鐘敲破暮天秋

和龔退菴九日集掃葉樓

上元涂 曉爽亭

高會逢佳節幽探趁晚晴寒花無俗韻落木有奇聲嵐氣侵衣溼松濤到耳清獻酬情未倦坐待月華明

訪掃葉樓懷筵江上先生

句容王 輅大席一字蒼龍

道士住幽谷欣然汗漫遊陡巖懸老樹橫水障虛舟細草分殘照孤松立素秋桂花香冷處知是讀書樓

同袁蘭村登掃葉樓

錢塘陸應宿崑園

綠陰障日野風清同上層樓望眼明地迥塔從雲外立江空舟似鏡中行客來六月剛逃暑僧指羣峯細說名乘輿更尋蕭寺去隔林遙聽暮鐘鳴

掃葉樓

全椒薛時雨桑根

芳草碧無際夕陽紅滿樓地偏僧學圃山靜夏如秋無復詠觴侶聊偕麋鹿遊校書懷往迹彌望綠陰稠

掃葉樓懷龔半千

江寧陳作霖伯雨一字可園

明代社既屋金陵多遺叟達哉龔半千構園僅半畝背倚石城山洞天真小有松竹耐寒歲不種閒花柳

廊園

此處

爲其昆與治

顯夢

爲其友嘯咏同閉門漢家臘共守有時作僧裝自縛瑯葉帚秋風日以淒清涼

獨消受爲問今日樓遺址是焉否即此仰高蹤敬酌一杯酒

盍山雜詩錄一首

上元秦際唐伯旗

出門覽諸峯煙景邃且幽二三素心友蠟屐恣雅遊載瞻清涼寺遂陟掃葉樓石磴數十級踞坐豁遠眸
江光一綫白上有餘霞浮笑譚不知倦夕陽忽已收翛然聞磬聲新月懸如鉤

掃葉樓

朱箕

曾寓清涼寺頻登掃葉樓松杉千樹老鐘磬四山秋我自欣重到僧還約後遊壁間看舊記素髮客盈頭

題掃葉樓

肅寧劉春霖韻琴

塵寰方擾擾山色自清涼落日林亭麗秋風草木香蒼茫望雲樹今古幾滄桑仕隱分途軌何人識短長

陶齋尙書酒集掃葉樓遂同登翠微亭

義寧陳三立伯嚴

巖腰車騎繞樓臺貪認前朝聽唄來雨色晴光盪城郭湖荷江柳照尊罍孤亭摩碣龍蛇動萬綠浮大雁
驚猜字宙此山身是寄奇懷收入野僧陪

同叔解小珊登掃葉樓訪薛廬顧石公遂攜石公及梁公約過隨園故址用前韻

陳三立

朝興漱齒汲井華。屋角已滿漱豔霞。火急攜客到山麓。新竹高檐桐向斜。掃葉樓頭萬綠合。大江雁去呼衙衙。擎杯自了湖海外。今古在眼。余心遐還尋詩翁。山水窟潭魚可釣。垂楊涯。命酒睽目不敢飲。卻羨有飯蒸成沙。須臾翁亦跨驢出。攀條穿徑迷田家。隨園老人舊吟處。臺榭想像傳琵琶。自從兵戈閱百歲。問字客散無停車。荒坵亂塚牧兒下。萬事不保惟長嗟。況今世變幻蒼狗。屢聞竊國如分瓜。公等休矣各歸去。臥看殘陽明荻芽。

掃葉樓會餞薌垣藩使二兄解官去江南

前人

盤拳磴道翠嵐空。飄袂涼迴萬木風。觴詠流連動高閣。江山依舊擁羣公。蔽虧晴雨都成幻。俯仰襟情了不同。要識安危繫憂樂。闌干憑記夕陽紅。使君於我忘年友。回首功名杯酒間。正有江湖共饑渴。卻煩父老苦追攀。巨天江氣那可掃。挂樹蟬聲相與聞。探壑看雲留一笑。行吟余亦鬢毛斑。

登掃葉樓

黃鼎

登樓眼界有餘清。僧去猶存掃葉名。滿地積陰幽樹合。一江空翠遠山橫。梵音禪寂關詩思。雲影鐘聲淡客情。記取楓丹好時節。巾車還過石頭城。

掃葉樓

湖南吳 獬

我聞葉最不宜掃。隨掃隨堆何日了。樓且非樓况于樹。苦苦掃去有何好。又况此樓高于樹。落葉並無上樓處。客來問我我不知。掃葉何必有葉時。道人亦葉客亦葉。何必苦向道人說。且去尋個掃不得。

掃葉樓

失名

拈花久障人天眼。掃葉猶存解脫心。何似無花並無葉。千山明月一空林。

掃葉樓晚眺

上元吳祖培小曄

步入招提境。高樓爽客心。江雲催暮雨。寒磬散空林。遠水孤帆盡。禪房落葉深。茲遊饒逸趣。歸路晚涼侵。

雨後與三弟振卿同登掃葉樓

江寧王家槐 慎三

高僧尚有生花筆。

寄龍和尚
善闡畫

遺老空餘掃葉樓。堪笑遊童貪飲滌。烏雲蔽日不知愁。

和作

江寧王家櫟 振卿

清涼山麓石城西。一角危樓半畝栖。塵夢紛紛猶未醒。登雲還欲借天梯。

弔柴丈人

江寧吳鳴麒 歸伯

丈人已去三百載。來者猶存香草堂。幾紙畫追董北苑。一棺淚滴孔東塘。廢亭終古翠微翠。敝帚殘秋黃。

葉黃。掃不盡愁是鼎革。石頭一片指滄桑。

伯鴻先生寄示掃葉樓五古一首作此奉答

前人

清涼山下城西路。叢竹深林入煙霧。半山突出掃葉樓。俯覲長江洲。白鷺秋深踏葉作仙遊。一別俄驚又五秋。故人遠寄新詩藁。掃葉樓前葉未掃。紛紛落葉年復年。斷送青春人易老。老年黃葉堆中過。滿目櫛櫛傷懷抱。幽懷難怪獨超然。都無生滅通心禪。山中有葉心無葉。乘除萬變由蒼天。天高九閭不可問。桑田變後荒難冀。荆棘橫生穴虎狼。未卜何時了。劫運颯颯秋風落。葉多葉多不掃掃。奈何千金敝帚敢自惜。雲時掃葉雲時積。却想春來葉不生。空山斷絕無蹤跡。誰料東方已棣通。上下模糊成一碧。俗姿那復安樛櫟。歲寒便欲欺松柏。天地紛擾失清寧。萬竅哀號激不平。商聲入聽氣愁慘。不已空有雞長鳴。一片難尋乾淨土。飄颻吾輩隨風雨。可憐掃葉一空樓。掃得葉無亦何補。

掃葉樓謁鮑太恭人墓

前人

小車緩走城西去。藹藹春陽暖入衣。畫白潭深痕覺瘦。流丹閣轉影疑飛。竹枝隔路從蛇入。麥飯當碑望鶴歸。久視石楠憔悴樹。白頭偷見長成圍。

癸亥七月初三入盍山尋顧貞甫不遇便登掃葉樓同楚青作

江寧王孝雋東培

空山人不見山雨喜迎客邀作登樓伴溽暑捐兩腋遠岫盪蔚藍清磬透寒綵西窗挹山光白練嵌深碧望遠礙近樹欲畫手徒斥已覺風景殊那爲江山惜嗟我却後來空談烟霞癖息影計全非出山豈相迫樓上人已歸江上飄獨逆咄咄天地寬我見猶謂窄尋徑出深箐斜陽掛樹隙之子四松下一笑逢歸屐

同劉圓照登掃葉樓

前人

一片雲歸壑來尋舊石頭亂山蟲語冷孤磬寺鳴秋檻遠當開卷城高不礙樓天然有圖畫黃葉下悠悠

龍蟠里訪顧貞甫不值偕東培遊掃葉樓作

江寧金嗣芬夢青

龍蟠以山名中有幽人宅別離二十載形遠神不隔巾車欣共往歡會近咫尺脩竹不見人苔痕印雙屐登臨興未盡越隴度阡陌鐘聲出林杪紺宇踞山脊夕陽上高樓遠山當戶隙緬懷掃葉僧猶拘解脫迹落葉滿空山皓月一輪白昭質元未虧不損亦不益江流接襟帶鍾阜近肘腋隔城盪湖光荷浪搖深碧但覺心胸寬焉知歸路窄當前窮物理得機乃自適吾黨應聲氣相賞滋珍惜邂逅立道左握手話疇昔更訂炳燭遊耽隱久成癖玉壺懸清秋詩成當七夕

登掃葉樓懷舊

江寧劉文煜靈臣

桑根不作石公死感我來登掃葉樓風雅云亡誰是主江山無恙又驚秋參差烟水餘紅樹十九朋儕已

白頭作畫稱詩孰解得。古人來者總悠悠。

秋日登掃葉樓

江寧孫潛源太穎

峭寒不勝掃。紛紛又滿山。亂蟲悽古壁。疏磬度禪關。詩境清如此。幽人竟不還。江湖嗟滿地。回首夕陽殷。

掃葉樓

陵陽徐淮生醉石

兵亂歷年豪氣短。解衣磅礴有何人。今來山色猶迎我。大好秋光更勝春。身厭獨遊先約友。僧因知己不嗤貧。邇來詩畫高於昔。應得清涼氣味真。

掃葉樓

徐淮生

世上道人重符牒。斯樓道人獨掃葉。掃葉不必有葉時。真意千古誰能知。我來登樓兩足苦。山葉紛紛亂如雨。癡心欲向住處住。不知道人何處去。有葉不掃更何待。不聞有葉自古在人。比葉多山之阿。到此其如不掃。何道人前身是葉化。是葉是人相代。謝葉骨一堆。蟲作樓落葉千載空。悠悠請去尋個掃不得倚樓。嘔出胸中墨葉。有時枯詩不枯。巍然一老其姓吳。

偕王玉樹張千子登掃葉樓

江寧沈秉彝翁

山自蒼蒼水自流。萬方多難此登樓。烏衣朱雀空梁燕。虎踞龍蟠鎮石頭。擊碎唾壺悲處仲。抱來仙骨羨

留侯。

謂張王二君

乾坤俯仰增哀感。豈是尋常汗漫遊。

半千居士留遺跡。

六一頭陀證夙緣。

心悟主人一號六一頭陀

掃葉何嫌腰折節。拈花因悟指生蓮。芒鞋踏破平山月。

錫杖挑來湓浦煙。我願歸耕隨長老。閒吟共叩白雲天。

再咏登掃葉樓

用謝靈運七里灘韵

前人

探幽踏濕雲。登樓恣遠眺。黃葉打頭飛。石壁撐天峭。花雨潤疏鐘。陰雲潛靈曜。梵寂愛僧閒。風狂驚虎嘯。救世發慈悲。談經領玄妙。邱壑本我心。山靈漫余誚。天際鶴可招。海上鰲堪釣。冷冷松風琴。老僧或同調。

掃葉樓

前人

清涼山上掃葉樓。清涼山色樓上樓。樓中高士今何在。樓下葉落風颼颼。風颼颼使人愁。目斷長江滾滾流。英雄霸業消亡盡。黃葉荒樓今尙留。

宣統庚戌登掃葉樓呈心悟上人

夏正彝

山僧臂支掃葉樓。不問海屋滄桑籌。但恨吟愁不可掃。長如落葉吳宮秋。去年此間作重九。梔子禪招菊。花友師故清臞。賈島仙我誠漫浪元聲叟。秣陵秋爲誰。葉黃得句翔樓笑。老狂今看樓外髮。秋瘦一髮青。山盡欲霜。

偕坦園伯良子晉晚登掃葉樓

湘鄉朱祖堯

偶隨城市得林邱，雲影山光正未收。
茗味同消七碗後，鐘聲猶帶六朝秋。
暮煙轉眼橫牛首，新月如眉挂石頭。
紅葉滿堦掃不盡，閒吟好待我重遊。

晚登掃葉樓

京兆高湛園菊圃

朝說清涼幽夕登，掃葉樓江暝鍾阜。
晚潮落石頭，秋煙繞湖千頃雲遮月。
一鉤憑欄舒遠眺，西北是神州。
秋夜懷掃葉樓星悟和尚

宣興蔣鴻吉

看山五嶽早歸來，僧有高名不染埃。
憶到月明樓上去，蓮花昨夜夢中開。

掃葉樓懷龔半千

羅傑

劫後清涼綠上樓，江城春色一闌收。
詩中巖壑飛泉寂，筆底龍蛇動壁遒。
心血滿腔悲故社，風流三絕等浮漚。
殘山落葉紛難掃，化作遺民無限愁。

掃葉樓題壁

漢壽易順鼎寶甫

宣統元年六月初，日心悟主人以袍掃壁屬書。
因與夢湘由甫口占題此。昨從鍾阜恣躋攀，
今向清涼攬翠鬟。最是江南堪愛處，城中面面有青山。

其二

掃葉樓高尚可攀。豈期畫壁遇雙鬟。適有遊女至此僧誇廬嶽馬尾水。心悟主人曾云九峯有馬尾水客對金陵牛首山。

和作

武陵王以憇夢湘

雙闕嵯峨不可攀。盧家何處覓鴉鬟。老僧踏破南朝月。祇有清涼似故山。

和作

漢壽易順豫山甫

一角危樓憶舊攀。依然霧鬢與煙鬟。莫言淨土今無着。占得清涼是此山。

掃葉樓

江寧金世和桐蓀

昨遊莫愁湖對面正看掃葉樓。今登掃葉樓對面莫愁湖。水流石頭如齒如牆。頭城內城外俱豁眸。垂楊未衰青且修。井字方塍皆田疇。茅屋參差村景幽。三點兩點是漁舟。山城如畫眼底收。琳瑯題壁實與由。易實市由甫龍陽才子書法道。詩人不作長悠悠。半千遺像一幀留。年年掃葉幾春秋。居士清涼物外遊。安知後人無其儔。

掃葉樓口號二首

番禺鄭洪年詒覺

半千半畝此徜徉。風節山高與水長。驚念衆生皆苦惱。吾身那許獨清涼。

驟雨狂風葉滿庭。老夫眼底不曾驚。持將一簪從容甚。掃却殘叢百卉明。

登掃葉樓

衡陽夏紹奎

避世嘗登塵外樓。芳林搖落幾春秋。石城煙鎖南朝夢。鍾阜雲含故國愁。江色已隨詩思遠。嵐光還傍酒痕浮。蕭條日月都成幻。欲作忘機海上鷗。

丙子九日偕陳仲明張逸仙重登掃葉樓

前人

來尋紅葉寺。一徑入山幽。落帽多雲影。疏鐘何處樓。門開夕陽冷。洞鎖蠻天秋。重到幽篁裏。苔痕綠尚留。

登掃葉樓有感

潮陽王峻德

半生落拓此勾留。壯志全消世外遊。掃葉樓頭增我感。白雲猶帶古今愁。

癸亥冬登掃葉樓易實甫題后原韻

筠陽玉屏居士

掃葉遺蹤去莫攀。危樓依舊鎖煙鬟。哭庵留得風流句。長在江南第一山。

和作

江寧易顯庭

前輩高風不可攀。清涼終古簇煙鬟。危樓一角人何在。落葉蕭蕭又滿山。

乙丑驚蟄後三日同哲卿執中登掃葉樓偶賦一律哲卿紹潭儕輩先後見和留以補壁

石如

峭寒天氣試春衣著屨登樓暮靄飛落葉願偕高士掃吟毫聊爲盛時揮處堂燕雀甯知志起陸龍蛇未
息機獨與英雄買餘勇謂哲卿翠微亭上看江歸統帶

和作

哲卿

五百年來舊布衣年年掃葉葉還飛詩題石上留鴻爪句覓原頭帶塵揮翠竹蒼松都入畫閒雲野鶴兩
忘機下山不減登樓興貪看梅花帶月歸

和作

紹潭

杏花春雨濕征衣又見江南燕子飛葉落樓頭僧懶掃詩題石上筆狂揮劫餘朝野無生氣靜裏禪關有
妙機半日清涼消熱念更攜兩袖白雲歸

和作

儕聲

花朝仍復着冬衣冒冷登樓逸興飛足踏青春無葉掃手摹墨跡帶煙揮岡巒起伏供吟眺境界清涼悟
佛機偷得浮生閒半日愛看山色却忘歸

用實甫韻題掃葉樓

兩不齋

壁上留題高欲攀樓中面面擁煙鬟揮毫也把閒愁掃飽看南朝雨後山

掃葉樓口占

皖肥杜元齡

不趨炎熱逐清涼蕭寺樓臺夏景長水浸碧雲低埜渡山銜紅日點村莊上堂未飯鐘初動借枕何人夢
一場多少六朝興廢事僧寮淪茗話滄桑

登掃葉樓

衡山陳雲鵬

浮生多變故何地問清幽偶約山中伴來登天外樓心驚滄海月淚冷秣陵秋歲月行如此江湖不可留

登掃葉樓

小謨觴主人

清涼古寺小樓臺此日登臨懷抱開樹蔭四圍疑翠滴湖光一片過城來可憐龍虎沉王氣大好江山鬱
霸才獨立蒼茫無限意天風吹綠落瓊杯

辛酉夏同伯湘登掃葉樓

蘭北錫璞

翠竹深林綠樹煙數峯疊影一江天人間那有清涼地我輩重聯翰墨緣風月湖邊千古夢柏梁台上幾
詩篇放開世界空羣目欲把青山比少年

登掃葉樓

鍾吾孫光斗

蜿蜒形勢俯江河郭外鍾山王氣多
悵望莫愁增感慨殘碑斷碣任摩挲

己酉臘月同坦園居士登掃葉樓

陳松廬

方壺何處接蓬萊每踏斯樓倦眼開
數寺鐘聲搖樹出隔江山勢擁潮來
雲迷楚塞雙魚杳雪壓鍾陵一雁回
成佛生天都不管且將消息問寒梅

甲寅七月二十五日題掃葉樓

古岡盧幼蓮

屢聞恩詔下巖廊淮甸誰紓澤國荒
時值大水我輩登樓增感慨中原戰壘認微茫
謝家舊燕迷空卷梁苑哀蟬咽夕陽
山寺不嫌歸路晚少焉涼月上東方

登掃葉樓

桐城洪崗

黃葉和雲掃登樓見半千隨身惟一帚
此意足千年詩思青山外人家秋水邊
夕陽何處去鐘磬落遙天

丁未初秋遊掃葉樓

善化彭鴻年耐圃

詩家伯仲見蘇黃載酒追尋興味長
錦繡江山餘畫稿繁華世界轉清涼
眼看滄海愁無那魂繞觚稜夢不忘
偶遇高僧指心悟上人重話舊石城遙指樹蒼蒼

登掃葉樓

桐城潘不騫

秋氣一樓沉穆然見天心雲深不可掃敝帚自千金

掃葉樓養疴題壁

石鶚金

扶病上高樓開窗作臥遊六朝尋舊夢一葉落新秋王氣東南盡江聲日夜流祇今湖上好兒女尙無愁

乙卯夏登掃葉樓尋惺悟禪師不遇留題

吳劍隱

笠戴炎炎日襟披發發風

是日大風

人來林壑美僧去寺樓空禪寂身猶縛窮愁句未工舊題長不壞應勝碧

紗籠

清涼山雜咏錄掃葉樓作

息園居士

半千歸計爲樓遲僧帽儒衣坐嘯時繞砌亂紅休盡掃月明留待我題詩

登掃葉樓

六石童慎初

不見南朝寺空餘掃葉樓江山金粉盡烽火石頭愁客意閒雲嬾禪心活水流鐘聲催月上歸影一鞭留

六一頭陀工詩善畫主掃葉樓樓故明遺老龔半千所居勝地高人不許山靈寂寞爲詩以張之

上元顧孝珣貞甫

昔賢已拔半千宅今我來尋六一僧自有蘭言高濁世人同竹影得清朋峨嵋東嶺空塵鎖牛首西山解

業繩曼秀詩篇雪岑畫名區坐攬興飛騰

春日遊掃葉樓題贈寄龕和尚

顧孝珣

莫春獨上最高樓不是行尋石隱儔萬象當空隨境幻羣龍繞郭抱江流風雲變態僧閒笑林壑清光客滌眸今世更無人共語山靈邀我徧吟遊

題掃葉樓

江寧馬昌頤楞香

翠微亭畔一僧樓景物悠然豁遠眸十指莫嫌生計拙詩情盡意兩清遒

丁未秋繩孫觀察邀遊掃葉樓

長沙楊先震素君

江光山色繞雲鄉松竹猶存徑就荒多繡追陪秋澹濤鴻泥留印迹微茫煙籠古寺疑同泰月冷疎鐘弔景陽俯仰興亡成底事長生誰得乞仙方

鬢絲禪榻服依久佛火茶鐺韻味長欲了塵心無苦藥偶參偈語懺炎涼樓空葉落滄桑幻風定香消色相忘莫問老僧乞煨芋蹉跎前路聽穹蒼

重過石頭城登掃葉樓

釋靜安

海風送帆楫重過石頭城地失蟠龍勢樓餘掃葉聲三山天外落二水檻前明惆悵古今事浮雲空復情

與俞恪士觀察重登掃葉樓

高樓矗立水雲間，與爾重登鬢已斑。
二水洲仍餘白鷺，六朝事往剩青山。
寒煙古寺鐘初度，落日中原鳥倦還。
塵海滄桑那忍說，且將樽酒一開顏。

江南重晤李梅庵學使並約九日掃葉樓登高二首

秋風吹桂棹，重到石頭城。
坐對黃花晚，微看白髮生。
幽情閒自遣，宦味薄彌清。
喜近重陽節，高樓掃葉迎。
相交二十載，結契亦云深。
自適孤雲意，聊存出世心。
債多雅興帖，靜極不鳴琴。
應愛枯禪至，清言愜素襟。

重陽前三日登掃葉樓有感

洵晚欲何適，高樓又一臨。
昏林寒雀噪，微月亂雲侵。
不得黃花酒，宵知白首心。
自憐憂國淚，空灑道人襟。

殘臘登掃葉樓次去年九日原韻

今日重登掃葉樓，西風吹盡秣陵秋。
山川歷歷平生感，禾黍離離故國愁。
殘雪暗添衰鬢色，梅花應爲老僧羞。
逃空那得空王法，儘有哀時淚未收。

正月廿夜登掃葉樓作示星悟禪弟

金陵不到忽三載，訪古重踏清涼門。
蕭梁往事如敗葉，登樓欲掃俱無痕。
道人觀世猶浮雲，古今變幻何

紛紛願放心光照沙界彈指破盡無明昏寶誌不作達摩死西來大意誰復言與子且臥松下石笑看落月翻金盆大千一髮了無着區區成敗何足論

丁卯九日邀譚芝雲胡宗武李茹眞王曉湘掃葉樓登高次宗武中秋詩韻

新建程學恂伯臧

戰隙聊爲九日觴吟人山色對蒼茫誰蘇彫瘵回元氣同倚高寒俯大荒吹帽自防羞短髮題詩依舊認齋廊明年腰腳應都健重飽僧廚筍蕨香

己巳六月朔偕茹眞寄漚松顛復明集掃葉樓竟日各作書畫付僧寄龕 前人

僧樓面郭與雲齊却外山川挂眼迷四海橫流吾輩在一江東下晚陽西襟痕酒漬憐深酌畫意禪多失舊題更憶揮毫龔半畝悠悠物論重家雞

登掃葉樓二首

鑑泉

長風激蕩入空廊掃葉樓高接大荒吾道何之常惘惘孤愁來此對茫茫江迴疊嶂圍晴郭樹擁明湖帶夕陽

俯見城外
莫愁湖

倚檻迎涼生遠思火雲西下是炎方

愁聞京洛緇塵滿閑愛僧樓白日長眼底煙雲爭變幻風前襟帶自清涼藏身人海年將老彼髮山林世

可忘收拾雄心付幽賞石頭城上月蒼蒼

宣統己酉七月同蟠公登掃葉樓看月樓主心悟出與聯句得七言八韵郭赤公識

涼天碧月正當頭蟠有客來登掃葉樓山寺鐘聲敲暮靄赤石城燈火冷新秋呼童煮茗漫聯句悟移坐
談心且解愁蟠佞佛迷人猶夜拜悟能文狂士半閒游赤挑燈更喜詩僧共蟠讀畫偏教墨客留悟寂寂
蟲吟增苦思赤疏疏星點飛殷憂蟠平生澹似雲中鶴悟吾道浮如江上鷗赤再約今宵饗韻會同看皓
魄掛簾鉤蟠

臘月十日心悟上人招飲掃葉樓看雪有作

湖南郭赤公

了無塵一色豪象動吟魂水淨風光斂雲浮山影昏江天敞明鏡玉樹豔荒村不盡登臨興請輝對酒尊

掃葉樓聯句

雲道人
南園
息園

石城西北翠巒橫乘興來觀海月生南園心似危樓登愈怯愁多於葉掃難清雲道人片雲灑落依禪定
萬竹瀟瀟作雨聲息園長嘯凌風天地窄衆仙同醉即蓬瀛南園

掃葉樓

海寧周昌壽

半千高士今何在六一詩僧去不留坐對長江無限感蒼茫不盡異鄉愁

爲掃葉僧遺像補題

劍衡

古道清涼有幾條白雲封鎖遍山腰老僧掃去殘紅葉付與青猿

王元之小童名

一擔挑

登掃葉樓

潞河李宗謙叔度

亂峯相向晚煙殘躡屐登臨入眼寬境好渾忘狹路險樓危翻覺寸心安愁如葉落殷勤掃病似秋容仔細看嵐氣襲衣情愈澹山花野草耐輕寒

登掃葉樓

江寧何允恕敬甫

滿地葉誰掃高樓又夕暉江光翻白練山色入青圍搖落驚秋早蕭疏過客稀茫茫今古淚獨弔半千歸

掃葉樓

江甯何允讓叔退

清涼山色渾無恙獨倚危樓思惓然回憶十年詩酒地可憐如夢復如烟

秋日登掃葉樓

巢詩巢

江流長帶雨花岡極目塵沙古戰場掃葉僧歸何處去樽前誰共話興亡

半山淺碧倚危樓，翦取清涼一片秋。
曲徑松蘿爭突兀，西風把酒對牛頭。
憑翦蒿萊寬翠翠，微煙嵐重疊。
繞腰圍漫將僧話，南朝事幾度尋詩，未忍歸。
岡巒起伏，掩龍蛇蔓草荒煙，入望睎。
玉樹歌殘，餘戰壘夕陽猶染舊黃沙。

丁卯夏季題掃葉樓

湖南羅傑睡叟

人間炎熱避無地，世外清涼贏此樓。
歷劫荒江愁婦稚，殘山斜日弔王侯。
沉沉樹碧陰難掃，特特蓮紅韻自流。
却老井泉須飽漱，霜華催換壯年頭。

秋初再題

前人

古寺清涼借一椽，十朝龍戰送流年。
西風淮上啼雄鬼，落葉山中寄逸賢。
秋色可憐來日凜，月痕難認隱天圓。
紫金憔悴霜華厲，白馬靈旂意惘然。

掃葉樓

釋靜安

一磬墮冥翠，高樓倚月明。
天空憐雁度，山靜覺寒生。
雲氣迷鍾阜，秋潮撼石城。
時聞清梵發，還似讀書聲。

登掃葉樓

疏星

猶是六朝金粉地，滿城慘綠野蕪多。
江流水落終如此，人去樓空又奈何。
幾度登高傷作客，百年病渴懶

長歌蘇卿宵得封侯印驢背京華萬事磨

題掃葉樓

羅恆安

俯瞰衆山小仰首發長嘯含醉揮吟毫落葉和愁掃

己巳仲春同王植三楊復明包季青三君聯句寄龕存稿

濛濛煙雨上高樓王黯澹江城認石頭楊六代繁華消欲盡寄時聞林際喚春鳩包
山寺鳴鐘晝未昏王高談乘興且開尊楊好將香積供清饌寄世味酸醎不必論包
往事回思六十年王繁華過眼等雲煙楊敲殘清磬催詩句寄信是三生有宿緣包
太息滄桑萬事非王聊同鷗鳥共忘機楊生天成佛自離垢寄托跡空山咏采薇包

掃葉樓

六合張葆亨通之

亂葉奪庭階時作胡旋舞掃之幽壑中還我乾淨土

己巳春日登掃葉樓留贈寄龕上人

江寧吳蔭桐

劫後登臨已白頭無端觸起舊時愁湖光山色江天浪依舊層樓望裏收

己巳春日登掃葉樓

晉北牛誠修明允

掃葉樓何在，層樓隱半山。時危遊子遠，境僻老僧閒。花鳥風塵外，江湖指顧間。天然名勝地，好景不須刪。

掃葉樓

江甯王紹華金韶

雅集登臨共唱酬，一觴一詠亦消愁。老僧掃去當階葉，生恐詩人不上樓。

掃葉樓晚眺

嘯癡

放眼登樓九月天，幾行歸雁夕陽邊。遙看鍾阜千巖翠，俯視秦淮萬戶煙。半嶺一彎新月上，隔江無數遠帆懸。龍蟠虎踞興亡地，六代豪華已渺然。

題掃葉樓

浦陽陳景鑾

九月正飛霜，來遊倍覺涼。半山殘葉滿，一路晚花香。王氣銷鍾阜，清風繼首陽。高人渺何處，可許我褰裳。

題掃葉樓

李蘇翹楚珍

掃葉樓前玉鏡光，莫愁湖水照西窗。盧家粧點青山景，風送荷花入座香。

題掃葉樓

趙松森

金陵西望恨如何，六代繁華一夢過。湖似愁深流不盡，樓因風掃葉還多。龍攀北極天無路，鯤化南溟海有波。除却清涼山上月，人間何處好謳歌。

登掃葉樓

楊曾勛

氣象成龍虎大江擁石頭由來形勝地自古帝王州客裏庾開府望中盧莫愁家山何處是惆悵一登樓

登掃葉樓

江諾南州

曲折龍蟠路重登掃葉樓湖山供嘯傲花鳥足勾留遠樹層層隱長江滾滾流六朝煙雨裏使我不勝愁

題掃葉樓

張東蓀

清涼山上白雲浮掃葉樓前淮水流天下幾人共哀樂江南此日可遨遊當時文字張平子異代山河孫仲謀我欲漁樵相伴老人間無復重貽憂

己巳重九窳堪薑靈約掃葉樓登高陳伯平作圖紀遊同人均賦詩余亦放歌紀事

王孝姪

我豈登樓能賦詩此樓今歲凡三至尤欣佳節遇重陽黃葉西風壯秋思老薑治具速客時老窳亦攜浮菊卮先後相約同到此特客同邀陳老遲

謂陳伯平

相逢恰喜盡相識勝事云胡空自知衆賓芳顏對綠酒主

人芙蓉把在手爲道良辰勿輕過請挂藤杖展松牖有筆大如椽有墨磨一斗有詩儘長吟有畫求其友諸君揮毫落雲煙興酣直挾龍蛇走我亦虜袖將懸肘妃青儼白題其後樓上丈人願持帚樓外青山頻

點首能事次第迫促受薑兮廬兮笑開口忽看天際挂烏雲似遣風雨張吾軍天亦有情做時節判供癩
散成幸民廬詩句東道已盡觴詠歡西山各謝鶴鸞羣厭聽麻姑談往事千桑萬海任糾紛

登掃葉樓

王孝燦

樓近人何遠無端三百年秋林結蟲社詩壁滿蝸涎掃榻僧留客洗山雨在天清涼誰爲界所惜未逃禪

己巳重九掃葉樓秋讌

金嗣芬

蕭蕭落葉無人掃暇日登樓一舉觴中酒情懷銷磊塊入山心地暫清涼僧寮俯仰成今昔朋輩交遊各
老蒼願與黃花留後約年年高會續重陽

自題樓壁二首

釋寄龕

空桑寄跡又經秋獨坐江樓對石頭風景依稀仍似舊河山破碎使人愁
半畝林園徑就荒樓空人去賸斜陽絕憐落葉蕭蕭裏訴盡秋聲枉斷腸

懷掃葉僧二首

前人

明社坵墟日先生高隱時臨池閒作畫對月自題詩半畝留遺跡中原似弈棋殘叢掃不盡風節實堪師
昔賢半畝宅喜我得暇依湖水供明鏡山城作錦幃崖松掛夜月煙柳拂朝暉時倚重樓上臨風詠采薇

掃葉樓懷龔居士

江寧陳澤仲達

十年重作益山遊，爽挹清涼樹樹秋。
俯瞰石頭城闕外，長江依舊向東流。

己巳夏日登掃葉樓望莫愁湖

上元王家槐植三

葉落何須掃，莫愁花正開。
一花一世界，一葉一如來。
問佛無語滄桑又，幾回清涼山獨占。
心遠出塵埃。

掃葉樓

李蘇翹

名山優秀出烟塵，千頃湖光結比鄰。
六代青山如畫景，一樓風月屬詩人。

掃葉樓

常德砥室主人

十載奔馳苦未休，江南爲客忽驚秋。
滿山落葉無人掃，款段閒吟過石頭。

庚午重九登掃葉樓

用去年重九原韻

黃乾

老饕嗜蟹薄監州，肉食偏登禪悅樓。
猷佛不妨花借供，學仙嘗以酒爲儔。
山中歲月經年計，江上煙波起暮愁。
黃菊雨餘癯可賞，澹然籬下氣橫秋。

正 薑靈師庚午重九偕鞠讎紅葉太狷隱庵雙井登高斯樓以浣溪沙詞聯句裁箋留題因賦一律就釋寄龔

欣逢杖履過禪房，品茗清泉韻味長。
地僻鳬魚成化境，天空鴻鴈度斜陽。
竹溪六逸新詞譜，主質六人，比于竹溪六逸。
蓮社三生舊願償。
有約年年重九日，登高同到草香堂。

庚午秋日偕同學彭壽僧遊清涼山登掃葉樓轉赴莫愁湖即席賦此

寧鄉周家英公達

他鄉結伴遊心事，且撥置言陟西山。
巖悠然而殊致，轉登掃葉樓，照眼竹木參城隅。
占一曲臺閣，負奇勢，側聞龔半千遭亂來避世，篳路啓山林，浮屠韜才智。
托志有遺詩餘事，及描繪高人，已長往芳躅，傳佳話。
吾儕異代來開軒，沽一醉，士女往來頻鐘聲時出寺。
彭侯逸興飛迴車，西門外經遠了，不覺莫愁又臨睨。
懷古具深情，腹著千年事，徐豈士有雙曾亦時無。
二鼎足有佳人湖山增豔麗，十頃荷半枯，數叢菊帶媚。
倚檻磬中腸，各蘊元龍氣，昔年同門友，不乏據高位。
所貴明達人，俟命以居易，富貴勿介懷，片語聊相遺。

秋日與劉湘芸游清涼山掃葉樓口占簽寄寄龔上人

甘肅范雨琴

龍盤虎踞結山形，羅列清涼作畫屏。
暮色穿霞三逕紫，秋光到眼數峯青。
敲門賈島詩成癖，臥酒謫仙醉半醒。
莫向西風談掃葉，樓前落木不堪聽。

掃葉樓

祥符新志

落葉如浮雲紛拏，不可掃，浮雲蔽白日，直北長安道。
落葉沒行跡，去路轉幽窅。掃葉落更多，力勤功何少。

欲信移山愚頗怪填海鳥問他縛帶人掃葉幾時了半千有髮僧跡類商山皓國亡走嶽巖歸來甘枯槁
半畝治荒山百苦食荼蓼種竹不種松松前人易老偶作水墨圖賸水殘山稟得詩先呈佛豈伊有所禱
葉落歸其根歸根苦不早嗟嗟鄭所南乃畫無根草

香草堂空畫像存遺民猶識布衣尊登樓天迴江如練踏葉聲乾客到門萬里西風姚惜抱四山秋雨杜
茶村谷音一卷容三復歲晚空林有淚痕

掃葉樓

嶺南韓友梅

月浸長江人倚樓樓高風冷已驚秋秋林落葉憑僧掃掃葉如何不掃愁

掃葉樓

商城陳楷吾

謀天謀已計皆愚憂患源源熱所驅泉石不知深慮論清涼山對莫愁湖

江山勝景入層樓消長榮枯一望收拈罷落花勤掃葉老僧腹內有春秋

寺於都市號清涼熱鬧場中冷淡場旅客登樓消旅思詩僧進茗滌詩腸凝眸湖水連城綠極目江流一

綫黃閣盡風塵名利客前人忙罷後人忙

層巒不受市塵驚鐘磬飛聲入太清眼爲樓高天地闊江因水遠浪濤平雲箋字落千珠潤錦句紗籠四

壁盈我欲題詩崔顥在續貂無力愧才輕

又同文一首

爛斑炫影日悠悠出艇漁歌互唱酬山水戀人詩滿室古今題客墨盈樓環迴竹徑添新筍下上江流任
小舟攀仰快連岡邈遠閑僧一世畢遨遊
遊遊畢世一僧閑遠邇岡連快仰攀舟小任流江上下筍新添徑竹迴環樓盈墨客題今古室滿詩人戀
水山酬唱互歌漁艇出悠悠日影炫斑斕

金陵與心則登掃葉樓並柬寄龔上人

省州荀 中渭漳

清涼之山石城隅風物頓與市闌殊古寺寥落不稱意登樓快覩莫愁湖鍾山磅礴秦淮遠大江迢遞復
東趨埋金壓勝徒多事歷朝遞嬗騁雄圖龍蟠虎踞今如昨我乃復來覲新都秋盡江南寒橘柚雲連海
岱隱蓬壺高僧可作同掃葉可憐山徑久荒蕪

辛未仲春重遊掃葉樓賦贈寄龔上人

湖南石廣權石谷

絕好幽棲地名僧爲護持山川都入畫風月雅宜詩落葉連雲掃高樓鑿石支重遊增勝概芳草正春時

戊辰秋同疇九登掃葉樓

陳粹勞

叔餘舊侶驚猶在異地重逢握手游四面雲山誰是主滿天風雨一登樓階前落葉無人掃郭外長江抱石流自笑江南羈旅慣而今始見秣陵秋

邀章子琪遊掃葉樓作

永嘉 陳公石

漫將金粉說南朝掃葉樓空風雨飄千古英雄餘坏土半生事業付金貂神州日落蒼生痛齒角秋高萬木凋攬轡未能應愧我青衫到處感狂潮

和作

章子琳

獨上清涼亦自傷清涼只是太淒涼煙籠白骨寒灰土墨染烏龍冷夕陽世亂未容閑掃葉秋高難得醉飛觴名流事業分明在萬古猶留姓氏香

掃葉樓遣懷

黃生女士

掃葉樓高憶舊攀錢春意興早闌關心如落葉隨漂泊身似浮萍任往還萬里風雲勞倦眼一城迢遞抵蓬山頭顙自顧猶堪慰嬌女良朋相對閒

掃葉樓弔龔半千

黃黼馨

丈人逸事藉詩傳唐代清初兩半千當日瘦寒同島佛祇今木葉老江烟身經水剩山殘地腸斷黍離麥

秀天獨有斯樓堪不朽落花風雨自年年

掃葉樓

超然

無憂無慮羨僧家高臥雲山閱歲華愧我塵緣猶未了何時立地着袈裟

登掃葉樓步易哭庵先生韻

黃岡嚴士忻

天際白雲不可攀隔江隱隱翠螺鬟層樓直上炎歎退聊滌塵襟看晚山

登掃葉樓賦此

譚湘人

樓外天高倫可攀隔湖垂柳似煙鬟烹茶共試江南水蠟屐重尋郭外山

登掃葉樓次湘人韻

陳粹勞

縹渺層樓喜共攀况逢陪坐有雲鬟石城多少興亡跡歷歷雲烟遠近山

登掃葉樓

嶺南姚菊隱

六朝勝蹟幾滄桑眼底繁華夢一場多少熱中名利客好來此地納清涼

掃葉樓柬寄龔上人

長沙朱 縉俊榮

爲訪高僧住重尋掃葉樓白雲連徑鎖黃葉滿山秋靜坐知禪趣清談解客愁塵緣猶未了相約再來遊

掃葉樓次俊榮原韻

長沙周萬里悔遲

才罷黃龍成重登處士樓湖山猶似昨歲月已非秋訝客來不速呼僧話莫愁深山殘葉徑約略記前遊

客至

寄龕

夜氣橫天上畫樓南朝風景此間收窗前明月移花影檻外長江繞郭流幾蓋山泉添雅話一龕燈火助清遊客來對此歡無量不假琴書也破愁

掃葉樓集 卷五

江寧潘宗鼎靈輯
掃葉樓主持寄龕刊

詞

疏影

陳作霖可園

蔣紹由自皖歸招集掃葉樓時庚子重陽前四日也

危樓百尺是半千處士耽玩風月落葉辭柯堆徑丹黃秋來一例騷屑詩人去後江山冷孰分得酒邊半
席讓我曹預作重陽落帽有風吹髮 難得良朋纔聚梗萍忽湊合踪跡同說久客天涯歸向鄉園尙
見六朝山色飛鴻漫向晴空度怕帶到北來消息只拚教痛飲狂歌醉過亂離時節

大江東去

前人

與伯虞石公遊掃葉樓

路塵迷目向西去行繞清涼山界踏著危梯升絕頂樓與青山相對遠樹千家晴江一線放眼都無碍休
嫌岑寂倚闌聊共閒話 遙想髣髴高僧蕨薇曾寄嘅西山何在賸有荒荒園半畝猶種春蔬秋菜二
百餘年橫流又見到處成滄海從君高蹈鉢瓶姑遁方外

浣溪沙

前人

登掃葉樓

日日閒行載酒尊
西山臺殿壓鰲身
春來花草總精神

地是半千歸隱處
樓經二百有餘春
鉢餅應

有再來人

戚氏

庚戌九月子培至自浙子常至自皖次山至自鄂古微至自蘇喜可知已九日偕臧太史約客登清涼山掃葉樓置酒高會
遲次山古微不至經時雨散一日浮合光景可珍殷憂何益以柳七長調寫之案諸公和

茶人

冶城秋閒欹紗帽
對江鷗桂葉淮南柳
條白下繫離愁
迴眸盼星郵
雲帆都卸採蘋洲
當時宛洛年少廿
年桑海雪盈頭
秋賦丁卯斜陽庚子
眼前淮水悠悠且莫
談海市莫論朝局莫
寫離憂
回憶老輩風

流張文襄李越縵玉骨寂寞委山邱
容吾輩渡江塵塵並駕曹劉更何求
莫羨七尺鳴騶且可短策騎牛

況逢佳節舊雨都來忍負花底金甌
笑指清涼寺昭明選賦翠墨光浮
爲囑山僧掃葉對黃花把酒

倚高樓小時躍馬芝城即今屈指五十三重九

余二十歲居永洲九日侍先大父登鎮永樓是爲登高之始

念六朝金粉還依舊
土謝燕能

不勾留問朱張底處尋幽插茱萸可少
兩人不賦江南樂吳箋幾葉對寫銀鈎

疏影

江寧夏仁沂晦民

題掃葉樓爲靈作

空門寄託有小園半畝聊憩行脚佇想先生展紙攄毫胸中別有邱壑河山滿目羈人淚似扇障元規塵
惡願一揮掃徹虛空色相不教沾著 有客登樓話舊看圖畫一幅神采蕭索故國遺黎流寓南都算
有茶村相約西風吹冷清涼路且莫問人民城郭祇此樓偃蹇山巔檻外招來雲鶴

百字令

江甯王孝燦寄過

己巳夏偕大浩山人程伯臧張二樹楊復明登掃葉樓作書畫感賦一闋

一年容易又登臨
癩看江山如畫認取斜陽無限好
猶指翠微西挂落葉紛紛無人肯掃
此是當年話行將收拾舊時巢燕休假
遮莫勝事無常幽人可約
慘憂心寫餘技揮毫能事促賣藝如東莊社

晚呂

村常約黃鸝鵲等
賣藝作東莊小啟
腕底塵飛鬢邊却重豈共沙蟲化欲論桑海倚樓聽我歌罷

百字令

湘鄉李定球御真大浩山人

己巳夏登掃葉樓次寄過韻

又同登覽石頭城一幅天然圖畫來趁朝暉歸夜月雙鏡東西高挂葉落牽愁花開遣興卻許多閒話人
生行樂有何朝市真假 我乃造物爲徒無人我相情性資陶寫追想東林三笑事方外優遊蓮社富

貴浮雲年華逝水久與天機化憑闌吟賞盡歡狂醉而罷

百字令

新安石凌漢弢索

和大浩山人登掃葉樓步寄溫韻

嵐光含笑向吾曹依舊青青堪畫持帚詩僧何處去瀟灑遺容仍挂黃葉當年綠陰今日紫燕呢喃話樓
名千古王侯終竟虛假 最羨結纓登臨陽春白雪妙句銀毫寫不必紅紅工度曲樹幟東南詞社山
接清涼人誇幽俊蝶悟蒙化莊歸隨明月遙聞虛閣鐘罷半千清涼寺詩虛閣聞鐘罷

聲聲慢 己巳九月掃葉樓秋讌

新建程學恂伯臧

眉橫晴黛唾濺齋廊年年墜夢重溫倚徧闌干都忘却後灰塵黃花杳無消息莽山川誰覓秋魂尋勝處
歎低徊舊節總是陳人 休說登高作賦正天涯倦旅黯對江雲壁酌清涼古愁今袞平分尊前儘多
俊語算難欺帽底霜痕吾醉矣又西風晚照白門

聲聲慢 掃葉樓五九讌集和程伯臧韻

王孝燧寄遲

過飛逸興攜我登樓半瓶濁酒猶溫舊雨偕來青襟共滌芳塵而今老教何遜點吳霜鬢影消魂還試問
將茱萸插徧究少何人 我已長歌浩發付征鴻南浦笑逐歸雲徐引清機感君珠玉頻分將隨老蓮

畫卷對江山一捻留痕棲隱處叩龐公欲返鹿門

霜葉飛 陳伯平掃葉樓秋隱圖

夏仁沂 晦民

寒驢人墜游踪倦白雲招入山寺雪泥鴻爪亦尋常須會圖中意念故國遺民往事逃禪饒有禪滋味正異代相望又落葉淒迷滿徑世外誰避 偏是渴酒陶潛悲秋杜甫菊花時節能記此游賓主盡東南

共把茱萸醉祇過客光陰容易石城山色留題字指翠微林亭好莫被笳聲橫牽愁思

霜葉飛

戊辰九月一日遊城西古剎遂至掃葉樓小憩西風淒厲落葉滿山不禁百感交集用周清真韻寫之

江寧孫溶源太翁

亂煙衰草城西路紅牆微露林表山空時度一聲鐘更梵音幽悄賸幾樹霜楓醉曉羣峯環拱僧樓小近落帽時光歎短鬢蕭疏懶向鏡裏偷照 重話劫後殘灰枯僧何處掩扉知有誰到惱人征鴈盡南來觸酒邊愁抱痛詞客而今去了尊前誰譜淒涼調 謂鄧謫威文落葉詞人 奈祇是西風緊落葉蕭蕭又添多少

憶舊遊

孫溶源

己巳九日偕常玉堂登掃葉樓

又蟲聲悽野鴈影涵江節候新霜無限登臨感上僧樓呼酒來話斜陽不堪滿山黃葉和雨黯莓牆莫縛啼呼童任他堆積石冷苔荒 蒼茫漫回首問金粉南朝事事堪傷吹得秋心碎這城頭清角也太悲

涼况兼百年多病空自佩萸囊怪離菊無情西風幾日花又黃

憶舊遊

龔肇新第三

和孫太狷掃葉樓元韵

歎滄桑身世流水年華兩鬢繁霜休去危闌倚賸疏林古木猶戀斜陽那堪滿山黃葉飛舞墮苔牆話半壁南朝秋風蕭瑟地老天荒 茫茫甚情緒念天末佳人無語神傷莫管征鴻唳問南來何事祇助淒涼且將老來心迹收拾付詩囊好藉醉澆愁江南酒熟橙正黃

憶舊遊 次太狷韻

夏仁沂

問空山野寺故國遺民多少星霜掃葉僧何在賸危樓一角偃蹇斜陽我儕共來登眺名姓漫題牆祇冷落青衫飄蕭白髮自笑儉荒 茫茫念陳蹟指過去黃墟無限情傷有酒休辭醉況春秋佳日境入清涼此遊足稱佳會且莫負奚囊策杖數歸鴉爭枝未定林月黃

臺城路

江寧夏仁虎嘯齋

清涼山掃葉樓余極愛之北客卅年不登此樓久矣舊京人散秋氣沈寥落葉西風益增鄉思譜此以寄故人

臥龍躍馬當年事。竭來幾人黃土。衰柳翻鴉。荒蘆遞雁。銷盡君王雄武。與公誰訴。賸縛帛殘。僧開階對語。莫倚高樓。紛紛落葉。下如雨。京華塵夢。醒否。記清涼一角。曾共延佇。詞侶星分酒。人煙散。祇有青山如故。鄉愁正苦。恰昨夜江南夢。魂飛渡。更與支筇斜陽紅斷處。

淒涼犯

仇垞

庚午重陽偕隱菴靈太涓紅葉雙井登掃葉樓依石帚韻

石城故陌。晴曦好。良朋忽慰離索。雨痕潤酒。天風在帽。半山樓角。清霜不作。去惡勸多小。疎林醉薄。比年時登高。曠矚煙影破濛濛。來趁茱萸興。把盞聯吟。浣溪尋樂。舊題認否。恐頽垣亂蝸。涎落樹杪寒聲。有鴻雁飛鳴。和着料。回頭葉隕。待掃訂後約。

淒涼犯

王孝煙紅葉

雨風竟夕。佳期近。相嗟定誤消息。早曦褪翳。晴遊趁霽。昂看天碧。詩樓影瘠。又相與重逢舊識。甚間情題。饒均促吟。改浣溪筆。無語凭欄望。指點江山。溟濛猶溼。興來湧喜。這斜陽返歌。難及地角天涯。賸芳草年年露。哀也無聊。落帽供冷。雋一擲。

淒涼犯

孫潛源太涓

夕陽斷堞秋聲起空山竹樹蕭索冷霜漸緊荒城處處又吹清角西風未惡正茶鼎香騰霧薄趁佳時茶
莫共插來此破淒漠 乘醉呼柴丈把盞高歌寫茲哀樂故人健也攬青衫漫嗟寥落更草新詞且分
付黃花記著待明年莫使病酒負後約

淒涼犯和作

龔肇新隱庵

濕雲壓陌秋聲起江南木葉蕭索曉曦忽吐清游結伴石頭城角風光不惡正楓染霜痕尙薄且休提三
山二水檻外冷煙漠 重訪龔生跡自折荼蘼再來尋樂怕聽雁唳感天涯一般淪落飽領香廚却忙
到頭陀苦著待歸時月影滿地話後約

淒涼犯和作

夏仁溥盞齋

矮城似陌危樓聳江山滿目蕭索九秋節序西風戰葉響連淒角羣公不惡恐辜負繁肥酒薄更聯吟溪
紗一曲墨濤席紛漠 回憶斯樓上舊雨開尊去年行樂唱酬集出怎今年此遊疏落怕是龔生笑詢
我平生屨著讀新詞鼓舞嬾散訂後約

淒涼犯庚午重九同登掃葉樓師各有作因用寄溫韵和韻

黃乾

由晨至夕良朋會清游藉以休息茗餘散步登樓四望半林紅碧秋容未瘳指天外諸山盡識寫丹青眉

峰黛蹙添畫浮圖筆

欣盼重陽霽夜雨朝停西風收溼蔚藍氣爽晚來晴漸將時及細看當途緩歸

路輕塵猶浥感商音葉亂作鄉音滿地擲

浣溪沙

庚午重九隱菴靈鞠讌太狷紅葉雙井登掃葉樓聯句

葉葉搖風報九秋鞠輕煙盪掃客邊愁雙重陽乘興又登樓紅

舊雨相逢腰脚健靈閒情一任水雲

流隱憑闌無語數浮漚太

幾日西風鞠又黃太危樓一角倚斜陽隱江山如畫罨秋光靈

襟上去年今日酒紅林間叢葉隔宵

霜雙題糕覓句意蒼茫鞠

柴丈高踪不可尋隱只餘紅葉畫秋深紅聊將心事託青琴太

笑問籬花誰比瘦靈飽看江水我聯

吟鞠詩成總覺帶商音雙

話到西州感慨多紅却餘空指舊山河雙酒瓢詩卷任消磨太

樓外荒煙吹不斷隱夢邊幻影醉能

歌鞠掀髯一笑幾回過靈

浣溪沙

仇垞

默錄重陽登掃葉樓聯句畢意興橫生依均和之

風露難禁心上秋清聲如簾困猿愁強攜菊酒上西樓
地一浮漚

山寺幾回隨葉換石城依舊枕江流輕身天

陌上煙塵促柳黃江南詩境又重陽
眺臺拈韻逗秋光
跡問茫茫

壁影舊題蝸補篆鏡痕新髻雁來霜草香陳

莫厭山重向水尋清涼畢竟在山深
西風挾葉入虛琴
魄不知音

花雨笑偕新燕侶冰霜冷約老鴻吟不餐雪

獨上峯頭曠眼多要揮雲霧望長河
擎天豪氣笑消磨
月兩經過

九日萸樽添畫稿幾聲簫笛起漁歌夕陽初

浣溪沙

庚午重九同靈隱庵太猶鞠謔紅蕖登掃葉樓聯句鞠謔依韻又作鈔咏園和因次韻答之

黃乾

雲外聲聲雁唳秋遼西消息動邊愁
曠懷且上隱僧樓

半畝荒園評月旦六朝如夢話風流古今同

噉水中漚

瘦却山容木葉黃
庚午重九同靈隱庵太猶鞠謔紅蕖登掃葉樓聯句鞠謔依韻又作鈔咏園和因次韻答之
朔陽晴嵐開處暎波光

僧飲好將茶當酒僑居又見露爲霜故園松

鞠思微茫

醉有眞鄉可共尋
壺天笏地引人深
山泉臥聽當鳴琴
送到餘音

佛火瑤瓊無熱性
僧牆詩句補新吟
疏鐘又

掃葉樓前落葉多
漁舟曬網泊城河
歸飛鴉背日邊磨
九卅年過

歷歲漸忘書甲子
紀游今又載詩歌
客中重

前調再疊前韻

橘綠橙黃冷到秋
霜風吹葉化紅愁
青山仍捧舊時樓
冰泛輕漚

夜雨已停簷際溜
曉晴未斷石邊流
野塘淺

葵大如輪一色黃
參差面面盡朝陽
荒寒添出野風光
受兩茫茫

四體著棉溫欲汗
雙趺浸溼冷於霜
炎涼身

舊路重遊不用尋
山樓低處入林深
平支塊石可橫琴
會靜中音

叢竹雨餘喧雀噪
孤松風習作龍吟
斂神領

時遇斜陽晚景多
西流淮水界銀河

可園叢說載秦淮西流如銀漢
一道直達冶城故名漢西門云

半圓明月鏡心磨
村落人家歸牧遠
山

椒嵐氣隱樵歌來年此日莫輕過

浣溪沙

孫潯源

述盒用前韻索和疊韻答之

冥霧寒烟釀作秋登高一盪古今愁羣山萬疊拱僧樓
夢付閒溫

酒熟螯肥橘柚黃忍教不醉負重陽況無細雨濕流光
水共茫茫

壁上殘題取次尋草香堂圯白雲瀾蕭蕭秋籟入風琴
送海潮音

却後文章淒語多且措倦眼看山河少年狂態久消磨
是一年過

浣溪沙用重九登掃葉樓聯句原韻

龔肇新

慣抱秋心又到秋西風瑟瑟倍添愁含情無語倚西樓

古寺殘鐘催木落孤城落日送江流興亡六

征雁已來休北望夕陽如水向西流半生塵

野老情懷閒似鶴枯僧庭院冷於霜長天秋

酒盞詩牌消客夢澗松籬菊伴僧吟霜鍾又

共把吳萸祛酒病誰敲燕筑和悲歌匆匆又

代等浮漚

笑看東籬菊又黃人生能見幾重陽
却餘更莫負韶光
海意微茫

託跡枯禪意可尋黍離哀思寄何深
山空地僻合眠琴
落幾知音

去歲今朝舊雨多不殊風景感山河
老來豪氣任消磨
日好重過

浣溪沙

再倒疊韻和翰謙

憶昔登樓客乍過山僧與悟畫蘭歌
險藥香溢研初磨
際雨含多

送響秋風雜梵音重陽又到再聯吟
一尊濁酒一張琴
許我來尋

掃葉樓集

墨跡時攬襟上酒筇聲催換鬢邊霜
目存江

摩詰筆情濃淺畫淵明詩句短長吟
百年落

休說登高常念遠忍教對酒不狂歌
明年九

王孝燧

餘興還來尋竹石長吟只是詈山河
鳥雲天

香草堂空人未遠石頭城上蘚還深
清涼獨

六五

莫問前程路渺茫
鏡中皤鬢有新霜
斜暉不是好時光
似去年黃
燕子誰教辭里社
雁聲應已到衡陽
菊花還

自笑閒身早比鷗
況餘猶自誤風流
詞心萬里一凭樓
山月頻催歸去屐
佛燈好借寫閒愁
今年不負此清秋

如此江山 登描葉樓

鄭爲霖娛桑

石城西北層樓峙
來尋半千遺址
潭近烏龍坡
鄰駐馬景物天然佳
麗重遊勝地
盼鍾阜晴雲莫愁烟水
綠樹青山倚闌人在畫圖裏
登臨豪氣幾許嘆河山已改
風景無異儻是新亭應多名士相對啼嘯飄
源滄桑屢易看落葉蕭條年年皆是笑問詩僧又從何掃起

掃葉樓集卷六

文

江寧潘宗鼎葢靈輯
掃葉樓主持寄龕刊

龔半千先生像贊

宣城施閏章愚山

人推詩老自稱柴丈名不可逃俗不可向尊酒陶然筆墨天放投迹岳中寄情霞上

掃葉僧像贊

陳作霖

謂爲老衲之流耶而其髮蕭髻謂爲俗子之輩耶而其骨峻嶒旣遁迹於世外而高不字之貞則天下之塵氛安能盡滌亦姑借擁簪以爲名試登樓而一望百端交集豈徒傷草木搖落無復松柏之長青然非抱宋玉悲懷負元龍豪氣者又誰知清涼山麓有隱居掃葉之高僧

掃葉樓贊

陽湖洪亮吉稚存

萬樹蔽谷朝曦不通青苔緣階直至閣東僧飯一盂案有鳴蟲秋燕睇之低飛竹叢誰開西窗天風掃空

登掃葉樓記

上元管同異之

自余歸江甯愛其山川奇勝閒嘗與客登石頭歷鍾阜汎舟于後湖南極芙蓉天闕諸峯而北攀燕子磯

以俯觀江流之猛壯以爲江寧奇勝盡于是矣或有邀余登覽者輒倦思舍是而他遊而四望有掃葉樓去吾家不一里乃未始一至焉辛酉秋金壇王中子訪余于家語及因相攜以往是樓起于層山之巔土石秀潔而旁多大樹山風西來落木齊下堆黃疊青豔若綺繡及其上登則近接城市遠挹江島烟村雲舍沙島風帆幽曠環奇畢呈于几席雖嚮之所謂奇勝何以加此凡人之情驚遠而遺近蓋遠則其至必難視之先重雖無得而不暇知矣近則其至必易視之先輕雖有得而亦不暇知矣余之見每自謂差遠流俗顧不知奇境卽在半里外至厭倦思欲遠遊則其生平行事之類乎是者可勝計哉雖然得王君而余不終誤矣此古人之所以貴益友歟

登掃葉樓祭何善伯文

上元顧雲石公

維光緒庚寅歲除前一日謹以清酌庶羞于清涼山麓致祭故友何君善伯之靈曰嗚呼去年茲辰今年茲辰其間不過斗杓一轉而君之語言笑貌與空山烟靄而俱陳方去年之遊偕君中表秦公緒探一拂祠之幽窈陟掃葉樓之嶙峋倦則席地而坐三高未遑四顧無鄰君得五言古詩二章騁奇懷于寥廓呀然笑人世擾擾殫所營于弱草輕塵當是時豈期勝概頓成遐躅而木落江空之地不再覩君身則今年之祭縱無魏武帝喬公舊約慨念平生遊處安得不重邀公緒展一拜于從隆危石蒼莽荒榛抑有可以

爲君告者羌日月其易逝幸文章之有神更千秋與萬歲斯山面在其能沒吾儕一輩人尙饗

募修善慶寺掃葉樓啓

江甯劉保元箋三

石頭山麓善慶寺祀唐睢陽守張公前樓祀龔半千先生蓋半畝園址也先生嘗自繪像僧裝掃葉故樓以掃葉名山之周市林壑幽美名賢隱逸輒建別墅棲遲其間卽以樓之附近攷之當清中葉若熊茅陳黃張王任丁曹等氏之園及二吉卉香二知雲半肩西墅澹香匠軒諸園今求頽垣敗瓦皆不可得探勝茲山僅於此寺樓攄懷舊之念寄思古之情焉嘗詩酒會集於此有客作而言曰是地據全城之勝西則二水三山南則牛頭天闕東北攝山蔣阜咸接几席晦明風雨氣象萬千重以睢陽奇節半畝清操人以境傳境以人傳信哉予曰是固然矣然護持之責尤在後賢寺僧夙多擅風雅者予所識心悟能詩今住持寄龕畫蘭爲楊復明入室弟子藉香火賞歲時修葺保守至今不然六代以來文章道德可傳可法卜居是間者豈少哉胡爲求其宅址概與尋常園墅同歸漸滅也自國步變更民生凋敝寺入緇同人大懼忠義遺蹟行將就湮特屬寄龕從事勸募夫張公當安史之亂誓捍江淮以身殉國龔先生負經世才運丁陽九甘蠆屈終身忠所事以完臣節嚴出處以立人極均足維名教挽澆風吾知有心人聞之必有引爲天職同心協力助成是舉者世由泯棼晦盲否塞剝復之機庶幾於龍蟠虎踞間露其端倪矣然則補

荳鰾漏丹堊垣墉豈徒侈輪奐之觀供遊客娛目騁懷已乎

擬約友月譙掃葉樓啟

孫潛源

皋羽沙社古今咸稱七百年來遺芬未沫茲者桑榆漸晚海田幾遷烽火餘生頓覺親朋寥落江山勝迹
留供我輩登臨城西有掃葉樓焉白雲英英占斷清涼落木蕭蕭如聞歌哭枯僧何處誰話劫灰幽人不
來空餘秋草若分其片席敦茲古懽斗酒隻鷄招邀近局茶甌詩卷消遣殘年思取暢於靈襟亦藉攄夫
淒抱爰馳蕪啓奉約苔岑一月一集命獻儔侶誰賓誰主脫略形骸流連林泉陶寫哀樂亦有悠然之趣
諒非達者所哂高睨大噱容吾曹麈尾清談古寺空山留他年鴻爪遺蹟謹啟

掃葉樓集 卷七

楹聯

落葉人何在

登樓思悄然

不殊風景猶如昨

獨立蒼茫自詠詩

滿山落葉無根樹

勝國遺民有髮僧

爲青山別開生面

掃葉樓集

江甯潘宗鼎薑靈輯
掃葉樓主持寄龔刊

舊有此聯江甯仇繼恆補書

溧陽端方

江甯陳作霖

隨流水泛入天臍

金輔臣

江山留勝蹟

西北有高樓

顧雲

古寺話齊梁大好江山來振錫

餘情寄詩畫想當風雨快揮毫

張通謨

老不白頭因水好

冬猶赤腳爲師高

心悟上人言此山有還陽井井旁居民飲此泉雖老無一白頭者又嘗居廬山九峯寺其徒年六十雖冬亦赤腳夢湘曾見之己酉六月朔余與夢湘及由甫六弟遊此山上人出紙索書因撰此聯以

贈

易順鼎書於掃葉樓

落葉本無生忽悟禪那開智慧

名山如有約儻容居士號清涼

宵河齊燮元

半千掃葉樓千古

六一畫蘭詩一囊

丁巳閏春楊寶壬

誰將此山名以清涼閱世幾興亡可憐多少繁華夢

我與斯人同其感遇登樓一憑弔但聽蕭疏落葉聲

湘潭玉樹老人吳鏐時年七十有三

掃葉意何爲看他滿地煙塵高僧妙諦誰參得

清涼山自在對此一樓風月熟客煩襟亦洒然

吳鏐

帶甲滿天地詩賦動江關惟戰士文人到此偏多千古恨

掃葉樓集

七三

煙波渺何處齊魯青未了祇湖光山色而今猶是六朝時

安化李燮和

瀟灑忘塵心六代澄江千里月

清涼開法眼萬山寒翠半樓風

湖南羅傑

不盡客來葉落豈曾緣客掃

獨深人仰樓空還爲昔人登

古潭范新範

作葉與葉想作非葉想作非葉卽葉想庶幾乎掃葉
有涼之涼時有不涼時有不涼而涼時是故曰清涼

會稽俞鎮

江山如畫風月無邊暇日此觴吟萬斛閒愁都掃去
浩劫頻經蒼生入夢中原仍鼎沸一腔熱淚卻涼難

來登百尺高樓空懷六代

浦江陳肇英

誰挾一枝健筆橫掃千軍

浦江陳天民

一徑風聲飛落葉

六朝山色擁重樓

形勝攬高樓萬丈文光曾射斗
清涼尋古寺六朝山色尙留人

光緒辛丑長沙徐樹鈞

葉落山徑半千掃

花本芝蘭六一工

松濤岱撰

山境分九華攜杖尋詩高九萬

園林餘半畝登樓招隱巽半千

清涼山一名小九華林壑幽靚明遺老巽半千隱此曰半畝園自繪一像爲掃葉僧因以名樓登眺之暇爰輯掃葉樓集以遺主僧寄龕並撰聯語冀留鴻爪云潘宗鼎跋

樓開萬里眸植綠樹濃陰秀比前人圖畫

山聳一枝筆展青天作紙書成大塊文章

甘肅馬福祥雲亭

我上巍樓僧掃葉

鐘鳴古寺雁橫天

嶺南韓友梅

樓留掃葉懷高節

地號蟠龍起壯圖

江西吳邁

掃葉樓集

卷八

江甯潘宗鼎纂靈輯
掃葉樓主持寄龕刊

小傳

潘宗鼎撰

龔賢字柴丈號野遺崑山人布衣隱居明應天府上元之清涼山性狷潔落落然高出塵壒雅耽吟詠几案間無纖塵左圖右史焚香靜對意態恬適願夢游胡易簡與之善往來唱和無虛日或泛舟於桃葉渡珠簾畫舫蕩漾清波偶得佳句爲遠近所傳誦江甯黃居中家構千頃堂藏書極富慕其名因結詩社於秦淮一時名雋若鄭千里范鹽卿朱元衡張隆甫輩迭主壇坫爭相引重尤善寫生嘗爲汪沅鄭盦作二老讀書圖膾炙人口論者謂元人畫學十三科首列人物以其傳神在阿堵間流俗人鳥足語此求者踵相接然亦不輕作也愛山水所至探幽絕險務窮其奇境故其詩畫之精絕得力於山水者爲多會流寇煽亂南都震驚奔走四方蹙蹙靡所騁展轉歸里而明社已屋矣卒抱首陽之節遯迹石城隱居不仕自號半千其命名與唐之員半千相合蓋隱寓孟子五百年必有名世之義傷時之不遇也所居半畝園當清涼山迤西而南之一小阜迥絕塵寰老樹繞屋落葉聲中對此茫茫不覺百感交集因繪已像爲浮屠

持帚作掃葉狀自稱掃葉僧而名其樓曰掃葉樓繩床經卷時參書畫之禪蓋遊於方之外矣木落天高西風瑟瑟長此以終迄今登斯樓者瞻拜遺像尙徘徊不忍去云

贊曰山樓一角長伴幽魂孝陵東望淚灑寢門微臣草莽大節猶存松風之閣梅花之邨憑高寄慨三仁並論

跋

文人相輕自昔已然是以王葵園祭酒續古文詞類纂則曰前人有作勿遽抹殺論主忠厚夙所欽仰是集意在表彰先民保存古跡零縑寸楮幾費搜尋矧自半千去後香草堂圯五百年來幾將絕響後有作者縱欲網羅散佚等於杞宋無徵吾爲此懼亟爲訪求半千遺詩暨自明以來題詠半畝園詩冠諸篇首以誌緣起復就清代各家刻本鈔本關於掃葉樓詩文之屬從事編輯並附題壁及楹聯之屬在作者雅欲留名聊印雪泥鴻爪之迹尤未便任意去取閱者諒之潘宗鼎謹跋

重刊掃葉樓集後敘

去歲庚午之秋初刊掃葉樓集暨掃葉樓秋讌詩集既感事一時騷人墨客登斯樓者莫不爭先快覩迄今數月供不應求而索觀者踵至寄翕懼無以應客亟請吾師葢靈先生重編是集自考證以迨楹聯各類互有增益而原刊之補遺者一例更正以付手民或有未及入集者則俟續刊尙希大雅君子就斯集範圍以內如有佳什無論古今不拘體例悉付郵筒惠而好我異日彙編續集但覺五百年來餘韻猶存唐張籍詩曰願君到處自題名讀是集者可以畢然望悠然想而勃然興矣辛未初夏寄翕叙于掃葉樓

